

抱
冲
齋
詩
集

抱冲齋詩集卷二十四

長白 斌良 笠耕

鳳池染翰集一

二月廿七日蒙

恩簡授內閣侍讀學士恭紀

九華朵殿瑞煙濃膏澍

新恩沛澤重一秩

天心欽默契十年臣笞荷優容敢云刑政均明允惟竭愚忱矢
靖恭徼幸鳳池陪鵠立宣麻手勅紫泥封

入直內閣堂感賦

琉璃鷺瓦映曦光新綠如山擁玉堂紆綬班聯黃閣老簪毫居
伴紫微郎綸扉地望文章貴冊府圖書寶翰香頭白曹司刑柄

忝十年纔到鳳池旁

浣香小墅卽景抒懷贈家雲耕二兄

蘇成額

輦石爲山疊浪奇花鬚柳眼映參差
小亭卻在園西角消受荷風盡日吹

臨流小築屋如船淨淥低窺愛碧鮮
意釣無鉤魚亦樂濠梁真趣獨翛然

同調無多賸二三扶藤招伴過齋南
卅年何限升沈感畱與鄰翁助茗談

欲推五柳爲前輩轉覺三山是坦途
世事飽諳甘退隱逢人只解笑胡盧

庾園風月小平章伴鶴聽鷗靜處忙
廊築玲瓏迴卍字花光穿過又波光

翰墨求人意未如自家風範轉蕭疏樓臺聯額新題就半是兄
書半弟書

冰簟涼生夢不消壓檐濃綠午陰交等閒攤卷花間坐蜂子爭
窠燕踞巢

下帷枯坐一編橫雪亮心光映短檠誰識灘江舊開府丰標依
舊是書生

三月初三日偕侍讀

文俊等恭詣

皇史宬抖晾

五朝實錄恭紀

史成輪奐仰高崇

實錄尊藏儼在中金匱勻排百滕富瓊函祇庋

五朝同事昭燕翼貽謀遠式廓鴻基制度工

嘉慶十年尊藏
高宗實錄一

千五百卷

聖訓三百卷編帙浩繁因

皇史宬石室

基地狹不敷排設量加脩葺是年九月初四日

睿皇帝

御製碑文紀事

綸閣元臣職司重備員何幸得從公

乾隆

臺令史無慚筆綸閣元臣

有職司之句斌良今蒙

恩補授侍

讀學士得襄鉅典瞻仰金滕實深榮幸

三月

聖駕藉田恭紀

紫宸午夜啟天闔雲罕星旗翼轡揚

鸞輅端迎黃道直蚪鐘徐度碧霄長劭農典重銘基設禋祀誠

孚穀璧將昊綵垂慈符

睿念澤溥寰寓兆豐穰

觀耕臺峙接雲衢羣璧班聯儼步趨酌畝青旗春仁轉洪縻

耜

帝親扶三推加一遵

鴻烈古禮三推特加一推

世宗邵農重稽列聖恪守行之

亥吉惟寅仰駿模

耕藉例消三月初亥日舉行

共戴

堯仁躬率稼玉階耆老聽嵩呼

廿三日獨游棗花寺東姚伯昂

元之

卓海帆

秉恬

兩先

生

涼意惺忪快昨宵梵天樓閣綠陰遙花緣富貴游觀眾時屆清和雨露饒長塵久疏陪講席瘦藤今復叩經寮鸞臺聲價人爭豔綽有閒情舊雨招

兩先生曾有看花之約

偕孫柳君孝廉

衍慶

游天王寺

金粟如來影莊嚴古梵宮松聲曲廊外山色小窗中擷秀鴉鬟女談禪鶴髮翁散花原幻相迴避莫恩恩

時有游人故云

釘壁驚書妙參茶愛茗圓雨涼燒笥席雲護養花天梵貝尋經

帙仰藍記歲年鳳池揮翰暇白袷恣流連

塔影精摹繪披圖慎視瞻一塵通字海十兆寫華嚴尺寸量銖

黍縱橫辨末尖奇文煩補記酬贈值雙縑

寺有塔影圖百餘萬小楷寫成礙煩柳君

記作

堂構雙松古庭畱五桂芳風旛傳淨耳雨膳飫詩腸行住游人
沓周旋衲子忙羣鴉曉夕照舊事話蒼涼

佳句懷朱十風檐減鐸鈴孤標千載卓妙舌四洲聽碧玉甘泉
湧黃金古佛靈仰瞻螺髻翠相對晚峯青

余於戊子夏偶宿大樹庵西舍有山字韻題句雨舲吏

部崇恩

過賞見和五章生新排畧詩境彷彿王荊公

箝鐙細讀不勝傾倒復疊前韻二首卽贈雨舲

研鍊頗幽峭神摹王半山雲棲迹孤往蕭寺詠同閒今雨喜堪

託舊詩行待刪前塵疑夢掠僧鉢記齋還
火熱輪蹄駐青延竹外山參茶仍靜妙退食偶公閒綴網蕉心
固塵襟櫟葉刪和章推吏部功熟想丹還

大樹庵仍疊戊子年舊韻

詩思如枯井平於郭外山林香雙鴿下湖淨一鷗閒洗鉢流泉
活翻經落葉刪昏鐘殷樓角鶴共晚雲還
宦薄難招隱居深合買山門雖珂繖集心自水雲閒琴苑教童
補書成待手刪豆腐難燭話月上未言還

增壽寺仍疊前韻

心寂不緣境關門宛在山松幢滿庭蔭花雨灑窗閒問字僧偏
暇行香俗未刪上堂鐘正報師合打包還

輓沈豐橋助教

學誠

頓驚瘦沈召巫陽計問傳來雪涕滂排難多君撐俠骨雄談惟
我眷詩狂冥搜石鼓資文獻閒買花枝轉病妨博士頭銜終未
換天乎遭際太蒼涼

長安某局幻浮雲薄笨颿馳日又曛送老齋鹽勞壁畫投人縞
紵費殷勤藥鑪經卷費難避蕙折蘭焚變屢聞

先生令嗣及一孫皆先天亡一事泉局稍慰藉承家猶子倚龍文

先生之姪沈祖懋去歲發解

送孫柳君下第南歸

囊琴毘毘悔游燕光範書成枉薦賢漫說奔騄方一蹶那堪刻
楮待三年茶蘼香灺春光暮楝子風微夏景延依舊青袍嗟瓠
落憑誰牽挽孝廉船

客歲剛逢集俊英蒼葭今復結鷗盟桃源棹轉偏多感絮雪風
迴倍有情蝸角不須爭尺寸鴻文已自動公卿菊芳晚節移蓉

豔梗梓參天定有成

六月中浣夜大雷雨忽霽喜成

電掣雷殷助勢驕三更驟雨灑窗蕉
雷翻匡頂千峯瀑聲挾胥江萬馬潮
閣畔涼颼來自好人閒熱惱快俱消
須臾雲捲西南陣依舊明蟾照綺寮

新秋松嵐晴翠閣寫望作長歌一首

澹園西偏築飛閣藻梲雕楹金碧灼
長松直與畫檐齊靉靄雲光紛拂幕
枕崖疊石胡穹窿羣峯掉尾盤蒼龍
翼然有亭補其缺玲瓏妙構凌虛空
蹕蹕裙展閒登眺神契天游觀眾妙
瀛臺紫閣綺霞凝西苑紅牆宮樹罩
雨餘萬象頓澄鮮翠嵐一抹浮眉肖
噫嘻乎元龍百尺人中豪庾公坐嘯
追風騷何如斯閣最森爽句奇元向
青天高十年紆綬趨郎署傳古亭疑
朝復暮

鳳池摺笏廁鵷鸞掌握絲綸玉墀步履綦退食恣遨遊選勝扛
壺鬪酒籌扶藤陶徑延三益晞髮陽阿傲五侯簪簪谷靜真瀟
灑遮莫槃阿慕風雅

聖時黼黻贊

皇猷策勳仁待凌煙寫

題潘紱庭公子

曾綬

山抹微雲圖

瑤押湘簾篤耨熏山城坐擁妙香聞壻鄉風景分明在蘭畹新
箋一抹雲

淮海風流漫擅場娜嬛小住羨劉綱蹁躑裙展句畱處絕勝雙
棲燕子梁

比翼鴛巢豔綺羅紅牙分付雪兒歌一痕淺黛當眉譜不用尋
研十斛螺

桃花潭水憶汪倫玉潤冰清兩絕塵陸里比肩難擅美澄鮮秋
水濯精神

楊勤懋公遺照爲公會孫楊安舟主事熙尚作

賢者後必大奕葉其克昌甯待季主卜報施理之常兢兢勤懋
公搢笏端嚴廊廡昔乾隆紀建牙淮山陽節度號嚴明治粒屏
秕糠爲政猛濟寬惡殫善必彰墨吏効乳虎奸丁驅貪狼漕政
速毋滯舳艫千里望陳陳白粲因儲富盈天倉餘惠逮黎庶布
餼周序鬻文孫紹弓治藩臬遞金閭余轉句吳漕驥附陪雁行
公嗣雪帆方伯交余最厚衙齋聆緒論治譜溯孔臧麾下值宿將耳熟善政
詳蔽芾繫輿謳崇祀沛澤旁掎裳拜叢祠回憶廿載强承宣遽
開府後先相頡頏積功縣世澤佳話耀江鄉孫謀貽厥曾紆綬
秋曹郎左遷嗤余拙待罪偕期翔示我行看子遺像瞻堂堂科
頭坐磐石月挂桐陰涼美髯何飄蕭面睟揚輝光題贊有珠玉
媿子瓦礫償翁覃孫贊極佳聊述紀羣誼兩世縞紵將聊訂金石盟一

卷什襲藏君才況騰蹕繩武不可量承家卽報國名宦媿三楊

題朱毅甫郎中

環

拈花小照

海鶴丰姿青鷺淨侶長鬚飄蕭襟衫霞舉拈花凝嗅妙契香禪
心鐙寂照性海常圓藻續蘭茝希聲偈頌得大光明如如不動

新寒

作寒颿怒冷淒晨霜染丹黃萬樹勻榮把香膏謀旨蓄狐裘暖
趁扇和春魚羔毳幕宜茲夕畫粥闍黎大有人食邑三千儲廩
粟徧彰君賜潤枯鱗

游釣魚臺南真武庵

遙睇陂陀覆釜然蒼松陰裏一庵偏黏天巒翠壠環抱潑雪湖
光大鏡圓佳趣每於閒際得塵心半向靜中捐灌園擬學支離
叟好種溪南十畝田

十一月下旬宿梅舫中夢至一處亭宇精潔窗櫺半掩
繞闌翠竹扶疏頗饒幽致夢中得掀泥一聯醒尙記
憶遂足成之

一帶窗櫺碧溟濛翠竹遮掀泥疑頭角穿壁走龍蛇日報平安
信香逾如意花居難一日少入夢亦清華

覽鏡

五十無聞百不成齊竽濫廁愧名卿霜痕吹上吟髭白獨有髯
奴不世情

酒家夜歸

疏鐙紅掩酒家墟霜冷飆痛夜柝孤甕笠鷓鴣裘丰致雅真堪畫
作夜歸圖

題雨舫吏部

崇恩

秋蘭紀游詩草後卽用其韻

皇華鞅掌速郵程吏部丰標玉雪清馬上看山偏耐冷梅邊著
句若爲情魚牋寄興張春水駝褐衝寒劉曉行子役漫言殊濟
勝錦囊什富作金聲

冬日出西便門過天王寺與慧寬和尚煮茗晏坐晚歸
卽題其雙松堂壁

政閒連日少趨衙忍凍偏尋釋子家樹裏漏催三殿月梅邊春
透午窗茶飛來松頂鐘聲遠話到槐陰塔影斜漫說寒山多寂
寞雪晴畫拓玉柯叉

夜坐瓶齋盆花盛放對月遣興

素月影流天萬籟聲俱靜簾旌隔峭寒晏坐披襟正寂聆茶鼎
鳴松濤澄清聽室窻妙香聞恬然適真性疏影透梅魂鐙窗好
詩境

十四日雪後過憫忠寺與信脩和尚茗話

三年不踏此精藍
凍淖巾車逸興酣
松栝溼縣看細綴
樓臺粉醖訝相參
蒼紫竹徑支筇入
篆爨經寮拂塵譚
老衲謂余工內
餐渥丹顏潤映瞿曇

人海青鸞舍易藏
苾芻導我坐禪牀
雲龍飛動瞻

宸翰

室懸今上詩屏

爪墨淋漓染妙香

傳箋指畫三十二諸天變相懸齋堂壁

瘞骨蒼

涼餘舊壘

唐貞觀諸將士埋骨在經臺下

傳鐙歡喜

築新堂

寺西偏經庫信脩改歡喜堂

清

齋畱我伊蒲飯
無那寒林挂夕陽

春日出阜城門

最愛城西路長隄
碧澗緣人披春服
暢花壓帽檐偏風
軟河無浪天晴樹
不煙岸邊芳草色
相對感華顛

三月初六日至西淀訪友感賦

猶記髫齡過此莊。稚松水柳未成行。山光如笑還凝黛，色欺人頓改蒼。千里知交勞慰問，卅年前事耐思量。村農莫訝春游早，清暇從來屬玉堂。

春日昆明湖上

走馬尋花喜放顛。玉堂政減恣流連。暖風綠徧湖橋柳，不聽黃鸝又一年。

三月十一日過呂祖閣後水亭和壁間韻

新移三面敞，暖翠四圍多。隄曲宜添柳，牆低儘看荷。僧窗窺鷺激，釣艇掠魚波。境靜思常住，官閒得屢過。前塵真懣懣，舊夢憶阿那。

謂通濟上人

山水清音在，無煩倚棹歌。

饒春和楚翹侍郎秀堃韻

九十韶光百五辰。棟花風過惜餘春。草心紅抱芳情舊，柳眼青

迴別恨新南浦波深相送晚東皇眷厚慰畱頻殘英糝徑休惆
悵景駐壺天萬綠勻

竹韻齋新晴散步

雲影寥空散薄絲繞闌花韻嫩晴天含桃正薦青絲籠芍藥香
浮白玉船丁字廊迴簾亞水午窗人困晝如年魚苗篆得成金
紫老子經營信有權

余家藏硯甚夥有黃葉老人吳孟舉所藏蛀蟲硯爲尤
佳石質細潤滑若小兒肌膚旁具水渦數點非觚非
棱詰曲迴環莫能方物銘曰蛀蟲月山尙書饒硯癖
僧顏其室醉石龕卽以此硯爲贈竝系以詩余爲離
石鄉侯慶此遭逢深洽吾願云

黃葉莊藏舊硯池蛀蟲宛轉若紅絲從來家國須防蠹片石蟲

穿尙小疵

日灑隴塵乘興酣盤心筆陣寫雲藍聚於所好偕吾約介石宜
歸醉石龕

看山讀書之廬遣興

高齋圖畫裏蒙密綠陰圍渺矣波疑活翼然亭欲飛官閒得句
雋鶴瘦笑余肥攬襟貪情話月涼人未歸

此地讀書樂千章灌木圍冷吟詩草袖逸興墨花飛村社榆枌
戀家山筍蕨肥蓴鱸鄉味美秋到客思歸

謂方春
畦先生

雨中至西淀大樹庵小憩疊前韻

薺麥黃千頃峯巒碧四圍汀鷗隨水泛石燕趁風飛道味甘茹
澹人情任舉肥茅柴第乍熟不醉且無歸

昔年題壁句已見碧紗圍漫想茶瓜設空嗟杖錫飛

碧峯和尚
已圓寂

林鴉盤柳瘦籬菊待霜肥衲子殷勤甚佳賓至似歸

青龍橋和初白集中舊韻

西出環閩看雁齒湖橋列市傍漁莊參差畫閣憑幽術
巖松陰出短牆旋買豆羹供輒飽偶乘瓜艇泛新涼
北人忽動煙波興大似江南杭稻鄉

同懷弟法良校刊

男崇福謹校重刊

抱冲齋詩集卷二十四

長白 斌良 笠耕

鳳池染翰集二

匯通祠

環溪如帶繞坡陀鎖鑰通津利濟多

乾隆二十六年詩澹蓄長流濟大通澄潭

御製

積水映遙空爲關湖淵應垂制因葺崇祠嘉畢工余於嘉慶壬申游寺門前古松數株今皆伐去無存矣

松作樵蘇僧負笈前塵那刹廿年過

苔碑

宸翰紀乾隆疏濬名川仰

聖功

湖久淤壅乾隆二十六年通山上舊建鎮海觀音庵今改名匯通祠

上命挑濬深

歌管紅鐙奢汰

鑒七言炯戒典謨同

御製詩海寺月橋率難考鐙船歌管漫敘同紀吟權當雷碑記殷鑒恆深惕若

衷

蠟屐過稀地轉幽
匯通祠對梵香樓
鐘聲纔渡溪聲答
仙佛平分一道秋

舞鞋不見逐飛甍
松雪新詞憶尙堪

趙子昂過海子詩有舞鞋輕妙迅飛甍之句

海

寺遺蹤何處覓
憑誰妙記續伽藍

海印寺宣德年建改爲慈恩久廢爲廠今無考

臨錦堂迷水一涯
魚蠻狡狴見撈鰕
緯蕭矮屋湖墺路
楊柳陰

中半釣家

竹齋晏坐和陳後山集中舊韻

醉買梨春澆壘塊
狂思鳥爪爲爬背
玉堂染翰清暇多
時墊方巾抱角帶
丈夫通顯早致身
季鷹漫憶樽鱸膾
緘口默學摩兜堅
免致噬臍嗟甌碎
滌煩飛澍灑天瓢
俄頃堂坳積灘瀨
覆雨翻雲反掌閒
富貴從來皆意外
燕鴻遮莫笑鵬鵬
翼搏有日成高會
頤光樂志葆吾真
漫想乘桴泛滄海

雨後清籟閣遣興

洗出林巒色色新
窗圍眾綠絕纖塵
瓶花亂插皆天趣
砌草平鋪作地茵
深竹翠浮千萬个
小亭涼坐兩三人
意行攜杖南塘路
灌木蟬聲聽不真

題吳蘭雪刺史

嵩梁

香蘇山館詩鈔後

香蘇雅集憶當年
綳帙重緝益黯然
狂客近依清祕省
騷人遠宦夜郎天
靈均蘭畹深情託
鄉國梅花別夢牽
價重雞林聲藉甚
西江宗派得君傳

澹園雜興和香蘇山館集中晞陽樓雅集韻

林樾冠西城樓臺倚太清
鉤簾通竹色高枕納泉聲
石杖如人瘦波心共我平
片雲將雨到好句忽催成
萬綠深如海高寒灌木圍
餞春頻載酒入夏亦添衣
花麗紅霞

島雲低白版扉樹陰閒曳杖亭角挂斜暉

北海開公讌南樓集彥髦畫橋緣岸曲書館抗峯高蝸繡天然
篆松喧夜半濤蠻賤揮已徧縱筆亦雄豪

留雲榭遠眺

鱗雲細疊翦羅爲默數窗櫺旭影移高士聲華誰送酒閒官丰
致獨題詩蝸盤古蘚疑奇字鳥立新藤颭弱枝一種靜因頻會
得暮山樓角夕陽時

七月三日自西淀歸過覺生寺避暑寺僧留齋禪室登樓後導游西園乞書聯額作歌紀之

赤繖當空日卓午白汗漉衣成汁滷懷中惜少招涼珠滌煩空
想天瓢注周遮旅樹馬頭迎突兀琳宮林際覩投鞭小憩步雍
容偃蓋蚪枝翠雨重引勝苔香平似毯喧濤松籟響摩空到門

熱惱消應盡初地寬閒五百弓
芘芻前導穿脩竹瘦影伶俜儷
羸鶴七條衣搭下階迎一笑溪橋散巾幅豔陽學士昔過游村
落桃花紅尙灼瞥眼奔輪歲月遷疏楊又聽曳秋蟬鸞臺政減
知多暇何事偏慳淪茗緣佛說浮生泡影夢且排雨膳羅蔬供
禪香衲愛玉版參暑溽我嫌金帶重豆房寂闌信清涼般磬解
衣興豪縱梵香樓角晚風和進步初桃悟剎那棒喝師教看腳
下樓門懸有腳下看是甚麼兩額雲迷綴網眾生何憑闌別闢諸天界刺目西
峯濃潑黛蒲牢一杵靜聲聞解脫塵鞅了無礙旃檀香海見官
身心空自覺珊闌大團蒲趺坐共清譚食蜜中邊味獨諳到眼
榮光輝繡桷舉頭

宸翰照鐙龕捨將鹿苑開鴛舍記續伽藍我尙堪覺生寺地基本

鹿園達天禪師乞建茲寺爲安禪之地得旨允其所請推窗灌木烘殘照方外清游天所

媚更攜茶具坐祇園幽谷簣簣搖翠纛煙霞舊記履綦經淵源
偶聽山僧告河閒致禱肅明馨十笏曾傳錦轡停別墅自開成
燕寢菟裘小築傍鷗汀東平仙去銅鋪掩一任蓬蒿徑沒青
庚申慶邸嘗禱雨頻來寺中齋宿曾於西園作亭館爲致齋之所王薨逝後遂就荒蕪道光丙申寺僧葺而新之興廢從
來如轉轂會稽又見蘭亭築豫排几席待佳賓好約朋儕散芳
躅塵凝共惜榜題無過客頻言風景俗謁來圓澤乞東坡鼓臂
煩君作擘窠玉堂染翰叨竽濫庾翼家雞致誚多正待鳳池揮
栗尾欲同蟾魄挂藤蘿噫嘻乎後之視今今視昔韶華彈指桑
榆逼卽時枯酒勝浮名鐘鼎勛名古難必他年敢望句籠紗爪
痕聊誌飛鴻迹

三聖庵

雨歇荷風馥閒行曳瘦藤頻過湖上路不識寺前僧

輓工部郎嵩曜

相值城闌路青絲絡馬頭昂藏新氣象黯淡舊衣裘珠忽碧淵

隕名空

丹宸畱

嵩公記名以道府用

榮枯皆有數不樂詎堪憂

慷慨爭名分危言抗上公

嵩公去歲與定王載銓爭論哈眼阿名分得

斯人足

千古通道契

宸衷性介謀生拙持廉際遇窮劉盧屬親誼灑

涕仰高風

臥佛寺

驚峯傳古寺徑僻傍城隍鳳翥唐碑蝕

舊有唐人書經幢

龍拏漢柏蒼

客初尋梵宇佛早倦津梁蔬筍殘僧瘦咨嗟話夕陽

廣化寺

門外澄湖大鏡圓旃檀香海錦雲鮮梵書預紀初元號古寺羣

欽瑞應傳

僧印法於道光元年掘地見古碑文內有道光千載四字適值

皇上登極元年都人咸頌爲符瑞

參茶小坐境清涼具足莊嚴發妙香聞道城東老開士揮毫時
借贊公房

寺與漁山主事慶勳居宅相近每借寺中禪舍作書

心華寺

蓮座面澄湖心光澈也無金沙鋪大地慧炬覺迷途翰墨東平
擅殿懸成王書大煙雲北苑摹蒼茫人海闊秋色滿菰蒲

游石鐙庵

耳剽石鐙久茲庵游未曾城西偶訪勝拉伴偕詩朋入門苔徑
斜扶策階而昇樸茂屋幾椽櫺櫺無綵繒單拂洵雅素揖客來
山僧豆房煮茗話叩庵所由興石鐙置何處囁嚅僧漫謦約略
述緣起舊聞欣可徵緬昔元泰定吉祥建陵嶒泊明吳老衲眞
程名衣鉢承掘地古磴下石幢翳紫芳其式鐙槃如刊經字藏
棲書丹趙請郎檀越裴少丞紀載唐廣德祝釐歲咸登汝亨易

楣扁儒釋交相矜庵燬鐙並燼附會嫌葛藤指鑑石鐙代作偽
殊堪憎審視鐙共鑑判若楚與滕圓槩肖蓮瓣藉以珉座層蓮
炬是耶非疑蘊如痕癥問鐙鐙無言翠蝕霧雨蒸黃輝陶望久
云沒誰爲辨淄澠慧劍斷蕪說頓悟秋水澈舌本吐青蓮妙演
無上乘混沌昔未鑿是石非是鐙及其就雕鑿石改鐙斯稱百
禩厯劫灰器失名猶仍假名別制器高檠兀硯礪螭頭形屢託
雁足名冒膺慈悲感我佛然燭寶燄騰一鐙照無盡千萬光明
增卽石體不堅非鐙炬偏恆凡屬有相者幻妄皆難憑無相卽
實相大地金光凝何物最堅固不壞虛空能心傳詩當偈覺彼
諸顛曾

七月二日游臥佛寺後復尋石鐙庵古蹟值僧自本告
余顛末茶罷晚至天王寺卽題西禪舍壁

果然香界出雲層樓閣潭潭散鬱蒸一日腳跟三寺徧前身應是打包僧

閭黎飯罷午鐘撞喝斷名心九障降滴翠煙嵐新雨過芡芻爲客拓西窗

輭紅一樣困車箱買竹移松底事忙方外緇流猶擾擾在家人那得安詳

經旬不聽鶯飛湍瓜蔓鬚拳豆莢乾畢竟竹松能味雨蜂臺九畹出湘蘭

心華寺藏張得天書心經余以文衡山畫易之

一嶂雲花靄豆房牟尼珠燦印香光粉牆漫被驚塵浣綈錦端宜什襲藏運腕沈雄無米略

乾隆有米之雄

御製懷張照詩書

分行

續密得顏莊金山舊事何妨續未許髯蘇獨擅長

朱氏寓齋見盆中夾竹桃媚妍可喜率題

婉孌丰標迴絕塵
細桃夾竹號奇新
霞烘碎纈嬌還彈
翠剪纖柯襯的勻
三粲妝成淇澳秀
七賢尋遍武陵春
斜枝掩映門闌角
錯認崔徽畫裏神

出西直門

郭門西去樹蕭森
石道如弦馬足駸
靄若荷風過處馥
油然禾氣望中深
世情獨愼三緘口
家累偏縈五岳心
咫尺濃嵐青刺眼
瘦藤無計愜幽尋

懷十弟烏什

天外曾聞更九州
側身癡想御風游
閒門題鳳譏何害
高閣圖麟願未酬
萬里關山徒費夢
三春花鳥祇供愁
尻輪神馬誰能控
眞契惟應與靜謀

由萬善橋步至龍泉庵卽題其臥游閣

杖策秋山帽影斜，紆迴薜磴走脩蛇。
霜遲榭葉紅猶淺，谷暖楊絲綠尙遮。
寒菜半畦環老圃，煙鐘一杵認僧家。
塵中何事相羈紲，五載纔來叩法華。

行步蹊閒至龍泉庵

拄杖敲門任漫應，蒼苔小立揖山僧。
新開菌閣看紅葉，舊濬龍池印碧澄。
松蘿蒼煙和影瘦，竹流寒翠帶雲凝。
滌煩是處眞閒靜，悔未相邀覓句朋。

是游擬借葉筠潭徐蓮峯同來未果

遲雲榭煮茗僧福立導游諸勝

五年不見山靈面，石瘦泉清景邁前。
高榭野雲如納靜，環峯涼翠抱秋圓。
扶藤我踐題糕會，煨柑僧開說餅筵。

福立以餅餉從人

濟勝

少畱餘地好，異時重踏萬山巔。

是日欲游香界寺緣晚未果

晚歸山徑值誠脩禪師

秋衫嵐翠溼虛構壓雲層
椽古穿危磴泉香巾近膝
夕陽初下鳥歸路恰逢僧
月額霜楓染探奇興再乘

秋雨

疏點霏微送晚涼
竹煙羃歷認蒼茫
漫言甘澍蘇羣衆
只恐輕陰蔽太陽
珠走荷盤疑露顆
玉鳴芳澗罷笙簧
峭寒釀就商飈颭
衣冷吳絺倩早裝

圓明園

御門侍班後游昆湖至香山臥佛寺遇雨晚歸

香案前頭侍讀回
紫駟緩控傍林隈
湖光潑雪窗開乍
山翠堆青黛
畫纔此子津梁眞倦矣
吾人笠屐信悠哉
齋廚燒筍風光駛
瞥眼霜楓錦繡裁

門俯澄泓一鑑寬
古杉夾道逼衣寒
娑羅陰合金沙徧
篠簜風生玉槩攢
昔夢低徊剎那頃
浮生蹤迹露泡觀
山靈眞面慵相示
幻出溟濛紫翠巒

重陽後欲游翠微山訪八寺之勝未果用初白老人橘社集重陽後二日雨霽行園韻

欲游翠微峯每緣俗冗阻游興
勃將發宛轂黃聞駑卽事聊變
通意行到菰圃翠甲碧於油
秋英燦可數短籬弱雞雛長竿
趨魚虎幸少催租人重陽例風
雨拂眉蘆叢低颭稍鳴翠羽擲
葉飽霜紅無花猶媚嫵鄰翁近
局招辭滂胃臆吐蒼葭隔水湄
遐思棹狂鼓斫螯攜偏提爛醉
略賓主遠游固云佳不若守鄉
土何須陟嶙峋家園景堪補宦
薄責綦輕囊羞漫言苦不見汝
東家旅食仍艱糗

新寒和初白老人江漲八韻

瑤瑁雲光黯秋陰未解圍
颿狂翻蜺埵潦淨見漁磯
桐老知擎斂萍乾驗化機
逸情鴻自遠壯志馬難鞿
寒峭吳縣裏霜澄柵葉飛
菊尋三徑瘦鱗擘一甌肥
蠟屐時登坂催租漫打扉
新筍桑落熟不醉且無歸

食煨栗二十六韻

平秩慶西成倉箱積殷富
稷黍場早登果赫實齊秀
余家丹鳳山種植傳已舊
繁林翳嶢崎交柯栗尤茂
園丁摘鮮來肩筐趨恐後
入門聽呀喘汗浹襜褕
透傾筐出嘉實礪硯几席
溜亂擲彈丸輕下藉包茅
厚翠鍼蟬刺攢青苞螺殼
覆具體剛柔含界格膚理
湊告虔娣恪將分甘童拱
候嬌黃琮璧侔脔碧琉璃
副仁疑燕玉皴皮肖紗紋
細榛羞異瑣屑棗脯偕飮
餌細剝勞指

爪清芬染衣袖記昨放衙歸煨栗沿街買轅釜撥金沙巷尾香
風逗買將老饕嘗秋鎧圍坐右咀嚼沁齒牙叢話忘寒漏塵市
味浸澆家山品難購間官俸猶薄自給殊儉陋舊時負郭田半
向朋儕售緬昔杜陵翁詩誇芋栗收持較我未貧休言飯顆瘦
種秫地雖無樹栗社仍囿拈韻聊解嘲飽配醅酌

鄰家臂鷹脫鞵入院攫雞雛爲小奚傷翅就擒詩以喻
之

鞵絛乍脫氣飛揚怒攫雞雛勢甚張爪利休矜工搏擊目空不
道有包藏雄姿夙具摩霄志小挫俄成跼翅傷龜兔靈禽齊落
膽偏於豎子略周詳

雲耕二兄浣香小墅賞菊

罍盞牙牌記注周羣芳按譜費冥搜籬邊漉酒香沾袖醉後敲

簪插滿頭佳種更番收廟市重跼層疊蘼花樓遲開畱伴調梅

鼎笑必題饒定九秋

今年節氣較晚至十月菊花始大開

雪後過竹韻齋

一規茅屋團銀繖幾枝疏畦疊雪鱗恰怪巖阿青士逸也能折節拜詩人

十月十四日夢乘舟江上彷彿昔年督輸光景醒而詩以紀之

銅鈺鷁首聽連撞銜尾糧艘正發幫十八年前舊風景無端鷗夢戀春江

詩稿散逸覓書感賦

城南特地覓傭書箋素縱橫亂葉鋪肯費工夫排甲子僅教依樣畫壺虛虛名難作膏粱敵盛譽端須筆札扶結習文人消未

得名山藏度果能無

題吳西林明府赤嵌從軍圖

吳西林名廷棟
浙江湖州人

朱生手持從軍圖乞我泚筆爲長歌
甌閩區奧未親歷蜃樓煙
景虛揣摩臺陽海滋號雄郡
芝龍鄭氏輸誠過廈門
自茲隸圖版圩田已茁
油禾繭絲保障偶鮮術
租庸未免傷煩苛漢夷
雜處勞撫字睚眦構怨
交譏訶側聞赤嵌古城
畔雕青惡少紛
么麼大肆攘奪恣焚掠
後隴閩閩洶濤波雞籠
鹿耳限天險卅
六島峙洋婆娑就中澎
湖最幽邃十更雙吉塗
逌迤東西吉地
名臺灣沙
港俱稱幾更有
十更五更之分
緬昔朱漬蔡羣不逞鉤結番
獮驅嘍囉孤鳴
篝火煽妖妄李通倡亂
今同科臺灣滋事
首盜李通梁谿開府
謂孫文靖公秉
天討禍蘇揚武誅羣魔
王師六月渡瀛海黃龍
輔艦垂髮髯材
官良士好身手掩囊結
束眞番番南鍼直指向
島嶼繫帆高聳

衝盤渦龍驤萬斛任掀簸定風幸挾旋紋螺

閩督署供奉白螺每航海攜以鎮風

邇來延納盡豪俊請行季重紆絲綯幾微詎肯見顏色重洋險

視儋平坡瑒瑒給札擅夙譽墨藩盾鼻淋漓磨羽書旁午畫繼

夜如山蠟淚堆銅荷髻參短簿勞擘畫虎鈴決勝無纖訛或戮

漢奸斷番割

臺灣呼漢奸爲番割

內應胥屏蠻偵羅或禁接濟絕淡水渴

羌吻燥驚噓呵

海水鹹不可飲須內地淡水接濟絕淡水則羣寇水道斷矣

釘桶潛伏陷驃

騎竹城高築列鶴

我陷寇騎復伐竹作城環列以防外警連

珠火礮演子母霹靂破浪纖龍龍樓船飛駛防遠遁鳳尾幫纜

同安校

鳳尾同安校皆海艇名目

噴筒火箭齊奮發烈燄燦炳焚燭蛾桓桓

豺虎陣暮布重圍難突空手搓鯨鯢喋血海波赤餘黨遁竄藏

巖阿深林密箐窮大索渠魁就縛在頃俄鎗于灌耳奏凱唱歡

聲雷動三灣陀南人誓伏妖倖靖鯢徙安樂翻成窠狗男狝女

簞食逐蕉漿紅映金巨羅瑯袍掩脰洵趨捷蛤蜊彈鬢誇嬋嬋
綠珊瑚頭藤鼓震武洛頌比鄉人儼臺灣呼短袍爲瑯袍蛤蜊
蜊花名絕巖武洛社名敘
功延陵特進秩腰綰墨綬長松哦聲華藉甚徧浙右騶從雜沓
隨板鞞有嘲書生半白面談兵趙括騰口那風雲變色旗鼓競
坐觀壁上焉知佗詎識帷幄功第一披堅摩壘差殊多試看綸
巾鎮雅俗何嘗禦侮親操戈回憶滅滑佐戎幕眨眼廿載奔義
娥故人封侯爵通顯明光劒佩鏗鳴珂感余左遷滯郎署坐縻
廩粟霜鬢皤近趨薇省侍香案愧無班馬辭滂沱方今相賢
天子聖鏡清寰寓稱熙和君才倜儻邁儕伍折衝樽俎非爾何
冀黃愁續登上考朱輻耀日瞻鬼袞

余畜小犬甚馴戲呼曰小獍偶效昌黎體作五古一首
大造品彙廣惟情莫能律精誠偶貫注信可豚魚及羊祜戴金

環黃鳥報恩澤柳毅尺素將龍女結親暱漫輕羽鱗微感通理
則一矧犬性最靈守夜傍家室黃耳昔傳書千里往來疾近余
畜靈犬小鬟呼頗佚喜其任使令戲把佳名錫毛尾垂鬢鬢黑
章而白質脰短宛截鶴睛圓疑點漆臥僵肖獅蹲拜起學人立
厥性殊善馴跬步罔或失知喜躍相從逢怒避莫出跳跟穿帘
帷殷勤守戶闕飢鼠噉燈昏怖鴿棲檐隙宵半警聲聞狺狺吠
難息有客忤主人爪牙猛搏擊牽衣嚙腳踝救護肯遺力主人
坐觀書錦茵儼屈膝主人值他往奔走到處覓門外聽車轢跟
踰走前逆譖甜吐舌頻三嗅偎褻續搖尾豈乞憐昂頭似相憶
性中並靡他戀主常悚恍因之余有感畜馴僕難必人爲萬物
靈奈何自屏黜訶斥偶然加忸怩色莫懌珍玩肆攘盜饕餮恣
狼藉一見主人貧求去勢孔急驚聞鄰家富豔羨口啾唧面從

而心違轉背後言嘖飢驅媚相依身飽暫颺逸通衢偶相值覲
面不相識殆更有甚焉反噬髮堪摘凡此種種因伊誰致愆慝
側聞紀河閒司閹諷尤劇堂以師犬顏嬉笑喻程式紀曉嵐先生有義犬隨行至烏魯木齊斃於戍所後先生入相當顏其司閹之室曰師犬室我詠靈犬詩勸戒義深植

輓胡劔津處士

胡處士名祁江蘇武進人工筆札善算學向館別駕

長瑞

處別駕回旗家中落人皆星散劔津獨不去余

詣長晤劔津云君景甚落莫何不捨此他適劔津曰
祁與別駕相依有年今捨之去實不忍余義其言辛
卯冬廬居天王寺延劔津司書賻強而後可乙未春
崧亭弟出鎮烏什邀與俱劔津慷慨請行至烏什備
嘗艱險積勞成疾於丁酉六月初八日沒於署余哀

其際遇之窮詩以弔之

讀罷魚箋淚滿膺
龍沙星隕失詩朋
一身孤露情堪憫
萬里偕行誼足稱
縞素論心聊復爾
青山埋骨歎難能
劍津病篤告崧亭曰到處青山可埋骨勿送
遼邊深悔延君去
雪窖招魂感不勝

廬居蕭寺歲壬辰
朝夕叨陪誼獨真
生計代余權子母
報章煩

爾答交親買園共
蠟登山屐丹鳳山劍津津會同往
問字時敲墊雨巾劍津帽常

戴摘回憶前塵疑夢掠
契投迴勝玉醪醕

情殷舊雨依劉久
最賞平生俠熱腸
識字從來憂患始
揮金半屬少年狂
誰憐羈旅天涯客
浪說脩文地下郎
厚賻張堪妻子在
莫酬高誼海天長

馬革包身亦壯游
捐軀畢竟覓封侯
依人活計貧誰恤
拋骨窮荒命不由
漲綠聲沈花舫笛
鐙紅夢斷酒家樓
買田陽羨成虛

約歸魄關山路識不

偶然有悟

守拙養吾真造物最忌巧渾噩且隨緣壽富貴大好

三鼓得句戲簡朱白榆

傳箋赤腳走逡巡月白霜寒叩比鄰時過催租猶剝啄打門偏是送詩人

消寒十詠

寒月

鱗雲掃盡無纖翳的皪晶毬玉宇懸桂苑舉香人自潔冰壺濯魄景猶鮮輝涵雪色成奇夜冷迸珠胎媚百川葉脫亭皋平楚闊嫦娥擁出十分圓

寒溪

石齒崢嶸歷磳阿鞞紋淺縹碧羅羅縹梅攪影低窺月金柳敲
風軟蘸波漲落灘心浮蟹斷泥乾篙眼簇蜂窠櫓搖背指秋英
燦霜冷猶堪載酒過

寒寺

蒼髯玉立磴千盤隱約紅牆樹杪看梵罷僧歸黃葉路霜澄鐘
閣白雲巒參茶雪竇尋無可煨芋齋廚記嬾殘灰撥陰何成昔
夢紗籠題句感無端

寒店

槎枒髡柳記當門苔屋三椽碌碡村客趁朝墟星飯早塵封舊
句粉牆昏樾鳴老驥程千里夢驚荒雞月一痕記得衝霜板橋
背高粱瓦注急須溫

寒鐘

一杵蒲牢動碧虛西郊木落晚霜餘靜攬謾鎖魚山唄低壓湘
雲雁背書蕭寺月高人定後簷窗鐙炮夢回初旃檀香國聲聞
果自懺塵根未掃除

寒砧

幽風流火授衣晨打疊征衫寄遠人玉砌蘂砧纖腕脫璇閨刀
尺短檠親聲隨塞雁參差起響聞秋蛩斷續勻敲斷月階心共
碎女嬃幽怨向誰陳

寒鐙

瓦鐙一穗影朦朧半在輕颿淺睡中古驛關山孤客夢破窗風
雨十年功宵漁吹荻撓煙碧飢鼠穿墉瞰燄紅可憶
賜舖春譙晚九華光爛閣門東

寒鴈

惻脰寥空碧落層雁排箏柱浩煙凝霜清有信迴千筇江遠如
塵下一繩停理金徽桐院月愁聞清淚竹窗燈稻梁謀拙憑鳩
笑廣莫高懸遂爾能

寒蝶

冷豔疏香小院深伶俜蝶翅峭涼侵畫圖牘粉延眞賞籬落幽
芳耐澹尋舊夢羅衣金縷曲秋風紈扇白頭吟秦宮花底休惆
悵瞥眼春回錦繡林

寒花

零翠殘蕤徑欲蕪晚芳風物儘堪娛團香蝶陣晴猶舞作隊蜂
衙暖尙呼擎雨荷無高蓋擁傲霜菊牘一枝扶輸他生色屏風
上穠豔長春好畫圖

尙之五姪

延志

以梅英浸入水中芳烈無匹寶藏久矣

寒夜出以滄茗味頗甘美詩以賞之

朔風捲茅蝟刺擁瑟縮閉關學蠶蛹一枕裡火品字圍玉樓粟
起肩山聳挑鐙促膝語不譁淨滌沙銚烹雲芽青鳧紫筍詎足
數方法何須屬陸家阿咸量水衡輕重自摘梅花浸春甕清甘
沁齒澹詩腸花氣泉香兩相弄塵中肉食如鷺多七椀休誇此
腹皤嫩湯蟹眼試新茗學士丰標啜若何

題張氏印光樓

下帷枯坐鑪篆清殘書半榻堆縱橫嘉招庾園散芳躅狐裘貂
帽虹橋行張公舊有好亭榭菟裘何必親經營小樓三椽敞風
櫺窗開咫尺臨蓬瀛朱蕢碧甃涌白塔凍雲奇石相崢嶸長林
倒縛大荆帚輭紅墀盡延山英箋天有願妄乞請仁待玉戲揮
瓊瑛豈惟臥袁訪戴高致不足數直欲笑披鶴氅忍凍來飛觥

自題詩彙

技擅雕蟲小丈夫鉤肝鑠肺豈良圖

皇猷黼黻廣颺慶作意精神向典謨

西崑獮祭太零星筆陣縱橫尙性靈天籟究於人籟別虛窗梧
竹滿清聽

同懷弟法良校刊

男崇福謹校重刊

抱冲齋詩集卷二十五

長白 斌良 笠耕

瀚海綏藩集一

丁酉臘月奉

命偕安上公至土爾扈特

賜資多羅札薩克郡王三達克多爾濟初六日出德勝門至清

河小憩感懷

朝承

丹詔出瑤京忽作龍沙萬里程祖餞殷勤親友誼魚書稠疊弟

兄情

是日燕山弟作家信

柳黏殘雪消時瘦車指寒山缺處行猶記丁年

曾飯此斷碑瘦柏尙崢嶸

丁亥山西之役曾至清河真武廟小飯

昌平道中雪後寫望

平楚雪連沙一白遮大地貂帽衝寒颼已具出塞意

夜抵昌平

路出黃花鎮驅車急暮程月田增雪色冰轍健車聲已覺峭寒襲遲來小吏迎張燈初設席應識主人情

望天壽山環繞燕平偶作

煙薺抱雲根微茫近塞垣雪消峯影碧沙漱水流渾寒意乍穿幕鈴聲稍出村冰清兼玉潤試與翦燈論

謂又新姪
壻福楸

藥王廟寫望

山含落日烘霞綺雪積平疇耀玉姿驛路風光託吟咏者番行篋定添詩

雪中題南口旅舍壁

榻無席兮窗少紙逆旅淒其竟如此草草郵亭一夜眠萬里之

程足下始柅車秣馬殊苦辛山高天壽胡嶙峋雲光雪意冥蒙際看不分明最可人

雪後由昌平州赴南口和東坡焦山韻

平生清景性所耽柅車路出峽口南皇華載咏奉

簡命甲丁暨酉過茲三

余於甲申太僕寺牧場查馬曾住南口丁亥奉使土默特偕湘浦相國獻案

宿此茲丁酉奉使已三過其地矣

氈帷竈幕紫絨裏擁裘縮瑟如春蠶文章報

國語胡誕太倉竊粟擁笏慚日趨青瑣侍香案玉堂清祕深潭

潭龍沙萬里示

恩禮名王嚮化沐澤酣偕行上公嬋羣雅貂裘坐擁圍鑪談漫
嗤白茅山屋陋穹廬較此低於竈夢神訴踏菜園破肥粒饜飫
儕芳甘柔懷藩服喻遠略宣猷月竈吾猶堪吮毫濡墨寫長句
雪泥鴻迹畱茶庵

車中望塞外積雪諸山作

森然鱗甲欲摩空天矯羣峯互玉龍遙憶鐙前兒女話計程今日到居庸

雪晴南口曉發居庸

爬沙聲殷窗密雪灑瓊玖開門教稅鴛晨策傍巖走荒街半里長山茨枕林阜關市譏而征黠吏積習狃巖坳擘絮紛殘雪積枯柳居人尙掩關難覓茅柴酒

萬峯環匝巾弓彎一線路石磴積層冰滑澆更難度持控鈞人恭絲韁雙目注輿夫肩竹兜蹠蹠疑白鷺林稻縛山棚青帘卓高樹經商星飯早蒙茸豈遑住石棧繫蹇修齒健嚙弮怒范寬寒旅圖粉墨迷絹素山頂峙殘墩雲中指孤戍

蟠螭古塞垣層巒積翠燕都八景一延賞願攸遂我來值殘

冬羣山寂如睡風尖重裘穿冰觸亂石碎葵首臙豐碑卓立蒼雲對煌煌

宸藻刊雄詞當誥守德維金城萬古不能潰陋彼說防邊盈庭亂羣喙柄國附闡寺兵機用多晦冒功戮邊民詭言強敵退粉飾玉壘清朦朧金印佩歸凶杜勛與王承允叛國倒戈銳墩堠築蟬聯今猶互峯背攬轡過遺墟懷古發歎慨大哉聖人言三復覺盲昧

四山抱涼翠公館築三椽殘雪嶺背皴向晚寒生煙憶昔襍被宿清冷溜山泉元冥幽澗涸怪石蹲獅然館人偶相語似讀齊諧篇健兒負檄馳夜經谿壑邊遠睇雙鐙紅電睽疑星圓詎知虎眼睜腥風起盤旋樵子倘相犯咥人吁畏焉徧告諸僕夫度嶺須慎旃

宿上關公廨夜聞大風

萬谷響笙鏞，決決起俊風。
輕音攙擊柝，高勢接冥鴻。
天險何年闢，丸泥此固封。
高歌思猛士，撫劍意猶雄。

出居庸關

雄關瞻岌嶮，朝日射瞳眈。
地設高牙鎮，臺鐫梵像工。
關外有雲臺石閣石
刻金剛菩薩像，基莊嚴壁嵌大悲咒。
伏流泉不凍，陰嶺雪難融。
係元至正五年保積寺僧德成所書。
跬步防顛踣，殷勤戒馬僮。

見依山佛寺題

層梯陡絕接虛無，畫桷飛翬儼翼如。
欲覓揚雄問奇字，磨崖丹畫半番書。

石佛寺

依然佛面煥金容，密雪平階印虎蹤。
過寺輶車忙不入，山僧應

笑客恩恩

下關

依巖蜿蜒築長垣勝國防邊事莫論記得丁年曾立馬一株枯柳臥關門

古堠危峯矗熊羆想合圍地寒憑石氣雪捲稱風威我正持符往人偏較獵歸談兵多白面若箇識戎機

彈琴峽

指點彈琴峽元音似泉注不見古仙人揮鞭過橋去

晚抵榆林驛

樓櫓撐空麗寒山繞四周地偏關塞隔人雋茂才收堡舊渾疑郭沙荒近置郵十年題句覓爪迹可仍畱

居庸關

手持虎符節遠出居庸關
蠶叢魚鳧詎足數嶽崎險峻難躋攀
憶從南口攬轡入中間四十五里橫峰側嶺相迴環兩峯壁立
森巖巖夾溝委曲弓靶彎深谿大小亂石疊壑礧礧殊冥頑
峙如宮與觀臥像獅偕獍濃愛繡薛碧色作桃花殷細布宛螺
蛤高擁肖髻鬟奇形詭狀筆難罄南山秀句吟猶慳上關下關
距咫尺柅車欲度愁髮鬢我來正值元冥候澗底冰結泉猶潺
人馬沿緣石隙間傾跌可畏驚孱顏曲類穿珠蟻形疑鞭石龜
予才千步曾無百步穩一夫當關能拒萬騎還彈琴峽幽邃石
佛寺靜閒仙人釋子互隱見天梯石棧相鉤連更有巴達嶺螺
磴霜焮爛冰凝石面宛磨鏡經行滑澹摧輪轅殘墩廢壘何蟬
聯想見勝國嚴防邊太阿柄倒授閭豎蟻賊突騎纏幽燕王允
承
杜勳
歸凶竟賣國緬懷史事生慨歎藩籬仁義足資服深溝峻

壘胡爲焉君不見崖際高亭 宸藻刊煌煌

聖訓垂簡篇帝王端冕玉衡拱維德金城信不穿
蟻蟪古塞固天險何如我 朝中外一家聯萬國琛寶同朝 天龜茲鹿塞
盡臣僕均調玉燭萬斯年

懷來懷古

縣志載螺山古槐昔年鐘掛樹杪歲久槐長合抱裏鐘入樹本內僅露二齒惜未得見也

似繭迴環密寒山抱萬重雲封蕭寺古何處訪槐鐘

夜宿土木

驛畿輔統志土木堡本名統漠唐初高馬開道據懷戎所置後訛統漠爲上木

風力毘藍猛乍收星軺統漠歷荒郵憤師何處狼山戰捺鉢空
傳鵬灤秋古道能諳憐老馬祈寒足禦驗珍裘近來史學多疏
略窩帳黃龍記不周

土木驛曉發

巾車侵曉觸寒威殼洗銅鉦愛日曦眼底峯巒排粉絮胸前欬

吐化珠璣

曉寒胸前呵氣盡成冰珠

欲吟古蹟難徵典能耐凌兢感授衣疏

柳萬行城一角郵亭風物認依稀

過新保安龍王廟早齋贈淨因長老

雉堞連雲認保安豆腐草草具盤餐驚沙糝雪泥金澹壞壁凝冰積鐵寒

詔簡名卿巡鹿塞天迴秀嶂界烏桓竹林賢侶新遷秩騶御還

當舊部看

二姪延禧由保安州迴避晉州故及之

題雞鳴山驛

蕭后遺蹤蔓草青明昌舊事感飄零荒榛夾路狐狸穴遑問春

游駐輦亭

春游亭蕭后巡幸之地今不可考矣

雞鳴山驛公廨

山城如罨畫九曲列湘屏石壩工初就洋川溜已冰豐碑臨古

驛稚柳抱迴汀車駟教僮秣防過嶺背層

明日過老龍背鶴兒梁

響水鋪

方冬洋水凍不聽澗聲潺騎影散林薄雪光連塞山紫髯驂乘捷黃衲跨駝閒怪底征程緩車盤萬嶺間

暖炕

火炕欣從斗室開羣情煦似陟春臺雪窗鄉夢低迷處衾鐵寒森暖頓回

宣化府鶴兒梁感懷題公廨壁

居庸路隔萬峯蒼雪虐風饕古塞長馬上征人齊頻首鶴兒梁畔月如霜

統領貔貅上將權勝朝宣大重防邊而今地屬提封裏沃若桑麻繡野田

嚴關壁鏤護神祇
塵舍鱗排儼列眉
市馬易羊紛雜沓
烏桓重譯語侏僂

大漠沙連積雪晴
氈裘隊逐入關行
駝峯趺坐蒲團穩
黃納呢喃誦佛聲

舊事蒼茫且莫論
依然畫角鎮轅門
潞公仙去廉頗老
誰設飛

狐雪夜尊

丁亥年偕湘浦相國赴歸化路出宣府時宣鎮海靈阿公邀飲館署今日重過相國已歸道山海公沒于連州之役撫今追昔不覺黯然

沙漫漫

沙漫漫草斑斑
飛狐積雪連羣山
盤磴險巖冰似鐵
征輪滑澶防傾跌
風透重裘砭肌骨
手龜無藥血出漉

沙漫漫草斑斑
巖巖萬嶺遮雄關
我馬芻稀常不飽
雪深磧凍埋枯草
石梁巖巖難駐趾
征人進寸還退咫
天荆地棘行路難

僕夫汝莫愁祈寒關內之寒尙如此塞外之寒可知矣

曉出宣化西門過石壑子

西出宣府門朔漠遼無垠萬柳植婆娑四望寒煙屯驅車陟危坂石齒摧車轅陰風攬雪沙磨盪塞日昏粟發聳肩背莫覓濁酒溫遙睇樹如髮平楚倏見村關內已荒寂關外難更論

行抵張家口喜晤鶴汀都統

賽尙阿

古愚關部

明誼

凌霄樓櫓鬱相望遮迥貌貅擁道旁鱗瓦鋪煙圓聚落虎牙憑險護巖疆武臣鞠脰齊嵩祝

聖主垂裳共慶揚鹿塞宣猷臣職忝漫言軼掌厯要荒

公廨晚寒書意

地臨邊朔晚尤涼楮枮頻煨白土房檄搭氈廬迎駐節特裁狐帽遠衝霜蔽根莫覓園官菜供饌惟烹博士羊虎節宣猷程萬

里風颯駿馬共飛揚

口外天寒無菜蔬台站供應每日一羊而已

自口內出關都統關部及文武員弁俱送至關前

虎牙盤錯鎖崖坳峯石關門兩競高小队弓刀分雁翼助人出塞興猶豪

冰碑

陀羅廟前雙柳下豎碣兀立殊崢嶸諦觀鏤刻匪貞石表裏明澈瑩如晶葵首螭座儼然具鑿冰爲碑見未曾繫余嗜古有癡癖披榛巖壑搜箴銘祥金樂石考已徧北歷燕冀南閩瀛珍珉製造甚奇特書丹填漆工何精鸞翔鳳翥字端麗佑我大清吉語徵

冰碑上刻佑我大清四字

邊氓慕化頌

君聖想見舊服輸悃誠韓陵片石洽眞賞卓爾鵠立孤無朋裴叔則號玉山朗李延年說冰壺清鏡瓊作範喻深意九齡風度

同端凝方輿紀勝待刊補泚筆聊作冰碑行

札薩瑪爾書所見

駝峯磨颭勢凌兢錦屬文氈笠未曾盡日相逢無別客黃鬚鮮
卑紫衣僧

上壩

峯環嶺市陟嶙峋村落全無浩少垠只有上坡無下坂晷儀量
測萬由旬

氈帷衝雪度寒天牛曳柴車遠接連妙景佳篇真自好無垠白
雪接青煙

夜抵布爾嘎蘇臺

皇華四牡壯斯行遙指烏桓萬里程到眼驕驕具真賞驚心驚
策起邊聲氈廬在野遠方見高嶺摩天到始平役使蒙番臧獲

等要荒賓服荷 皇情

臺中感懷

沙磧荒涼莫計程青驪緩策駕車行不圖雪窖冰天畔卻聽兒
嘸女笑聲既廬後有蒙古插帳家屬同住涉世蒙民憐簡陋澄觀佛法恰均平
紅鐙繡幕相依慣篝火穹廬亦有情

抵札嘎素臺

乘興陟崔嵬無端大漠該欽承丹鳳詔遠涉白龍堆風勁馬
毛縮雪明鷹眼開蒙番恭服役聖德信恢恢

札嘎素臺書所見

雪晴牧馬啮枯草日暮奚奴汲斷冰牛糞馬通供炊爨蒼涼風
物見何曾

初住氈廬

連雲甲第擅豪華洞室文窗位置嘉處世從來要隨俗穹廬晏
息卽爲家

駕竿車

一木橫豆車中央兩驂夾轅如服箱番奴趨捷過賣育平擔馬
脊同輿梁鞍橋駕竿兀如杵銅鑲革帶相維良車後雙輪要勻
稱鑿柄棗軸齊竿長烏韉低傍兩輓夾馬倚人力尤剛強星流
電閃信神速馳驚四極凌八荒冰凝沙磧莽滑達駮駟蹴踏如
康莊斯車斯地信天造無垠大漠和鸞鏘倘令驅策向闕市路
狹轂擊多礙妨朱軒繡幃等閒耳飛奔雅號殊堪當回憶綺歲
未通籍下澤輶輶蘆鞭揚宣猷萬里持虎節綬服鹿塞來賓王
小臣奉

命威赫濯指揮蒙番儼獲臧假使不仰我

皇惠甌裘酋長肯順將平生快事此爲最順風鴻翼憑高翔千
里郵程達俄頃甌房一點候到傍我作長歌聊記事考工漫補
冬官章

烏蘭哈達卽目

避客黃羊疾似飛追風驃騎一鞭揮此來惜未攜弓矢好向平
沙獵一圍

祀竈日感懷

甌車礮礮觸驚沙節序欣逢每憶家牛乳酥茶勝芥片窩兒圓
帳像梅花此次廳中搭甌廬中一邊笳不聽催愁劇鄰犬何嫌
攪夢賒塞上黃羊咄嗟辦無從媚竈學京華

烏蘭哈達曉發

曉日溫暾淑景新皇華鞅掌負佳辰淺沙浮轂如茵輓亂石排

衙夾道勾星使乘輅多迅發胡兒調馬最精馴
心香默祝山靈佑雪淨風和及好春

路遇差弁進京口占

朔風浩浩路漫漫卻值氈車歷曉寒荒驛家書無暇寫京華傳語報平安

氈廬不寐和初白韻

朔風殘策吹氈廬耿無寐任爾重裘著難避嚴霜氣安邊喜持節入值笑挾被蒲萄醉顏酡行旅胡憔悴

書鐙爲牧奴竊去戲題一絕

窮荒亦有蹠之徒探我行囊竊燭奴那得長檠照珠翠最憐寒夜炙牛酥

車中偶成

跌坐甌車日又晡
遺愁有計只看書
冰天雪積連衰草
觸目風光妙句無

將至布魯特

去去烏桓郡
冰霜萬里程
今朝好遭際
風定路猶平

甌廬不寐有憶京華

殘年遠行役
甌帳卽爲家
糞餅添鑪火
油酥點乳茶
吟情疏似筍
鄉夢亂如麻
度歲燕都好
桃符換歲華

曉發鄂拉胡土克

束裝韞馬日蒙茸
又上甌車戰朔風
一笠天垂如繖蓋
朝朝風景得無同

大風沙拉木楞甌廬寫望

風沙吹向草根聚
纍纍墳起徧大荒
猶飄頓起天易色
遮蔽塞

日無晶光昏霾黯黯物不見駝鳴馬嘶聲一片健兒催騎曳車
奔旋轉雙輪疑掣電氈房百里倏來臨啜茗圍鑪冷不禁只愁
毳幕都掀簸獨立蒼茫發浩吟

風定喜成

側聽氈屋寂無譁一穗紅燈落盡花不是毗藍風力定被池填
滿九邊沙

沙拉木楞曉發

幽州白日好無色絕塞冰凝坤軸裂小山迎面似几平遠近氈
廬儼眉列雪壓驚沙飛不起冰結濃髭動還折豈不懷歸畏簡
書奇情歸向家人說

烏蘭胡圖克

向來茅店厭荒寒鑪餅村醪懶下餐絕塞黃沙連白草片椽棲

止覓應難

塞外向無柴薪蒙古風俗作食皆以牛糞代薪聞去歲
牛糞爲蜣螂轉丸攝去蒙古燒煙甚缺名曰糞荒感
此成絕

地冷窮邊薪木少鑪燒牛矢陋堪傷轉丸蜣亦關生計奇絕人
間有糞荒

吉斯洪阿霍爾曉發

殘雪淒迷醞醖寒旣車萬里走烏桓連岡地肖高城峙圓笠天
垂大漠寬入夜馬嘶聞甲帳迎年羊羴當辛盤燕南依樣饒冰
雪斗室唐花錦繡看

記夢

夢向廬山頂上行一條瀑布響錚錚老僧笑指爲余說知是風

聲是雨聲

布隆即目

結束宵戎裝花盤繡襖襠齊誇好身手飛騎逐黃羊

布隆古榆歌

布隆台前古榆樹輪囷本大依崇隈徂徠新甫豔巨木戴癭含
瘤堪追陪蒲飈有時作牛吼青天白日生風雷烏桓苦寒乏生
植龍堆萬里皆荒埃冰霜獨立厯諸劫回視松柏俱凡材憶遼
金元洎明季四朝歲月奔輪催習毬詐馬開內宴綠陰深處羣
裴回花當吉囊肆侵擾枝頭挂劍三軍麾問之無言心獨省畢
逋鴉亂鳴聲哀鄉社人間劇足比星精天上休疑猜傭奴販負
日相倚誰其玩賞傾尊醅我來奉使偶吟眺疑與此榆作主裁
明春還轅定緹馬扶疏翠葉滋萌蘖孔明廟柏靖節柳聲名萬

古何崔嵬一經品題作佳話
馨流中土齊鼎梅多情更憶那太
僕爲爾前導開詩媒

道光癸未太僕那丹珠奉使喀爾喀行程小識曾記此古榆余因物色之

布隆書懷

氍毹初啟處朝日照我牀
朦朧雙眼指蒙茸攬裘持節遠行
役異域風景荒回憶在家山高第連
雲翔煥室煖如春紅鑪火輝煌猶恐
峭塞侵重簾久畱香榻來住穹廬尺
布遮天光朔風夜砭膚衾鐵潑水涼
因憐此邦民窮陋堪憫傷飢充但羊
羶渴飲惟酪漿穀乃民之天生未識糗
糧山菽及粗糲窮黎難下吭試問此
邦民斯味何曾嘗人生產中華福德
信無量咏罷三歎息知足樂乃長

歲暮叟吉布拉克感懷

氍毹帳煨鑪火佳辰景倍荒
年華雙鬢雪風色一裘霜笑設先生

饌惟烹博士羊屠蘇酒難覓從眾啜羶漿

託里布拉克道中寫望

幾叢窠石勢崢嶸嶺複岡重錯犬牙訛腹烏犍見三兩小桃添
種便風華

託里布拉克恭瞻禮慈蔭寺

北征廿四郵籤接片瓦單椽見未曾驚觀驚峯環度舉始知象
教遠隆興千函錦繡繙經架百斛酥然照乘燈稽首慈雲齊膜
拜行程安穩佛恩承

慈蔭寺古風

仁皇英武邁千古六合端臨親馭撫傳聞黃鉞此專征躬率六
師撻驕虜竭來鹿塞乏水泉惶惑羽林驚部伍妄思止渴歎無
梅吻燥脣焦舌空吐鷲驚駉嘶嗅沙磧彷彿明駝泉脈俯銀杯

蹴踏亂珠跳空湧靈源甘勝乳吾

皇欽感佛力宏喜溢龍顏齊忭舞精藍敕建向龍沙要使氎裘
沐恩溥庀材運甃藉神功效順般倬操玉斧不須蒸土築礧礧
直欲鑱冰森砥柱羣看雪窖臨琳宮繡棋雕楹快斯覩黃衣老
衲日薰修鋼凍頻吹擊鼉鼓酥油注甕然百斛寶藏函經列千
部百餘年來象教興慈雲廣蔭烏桓土丁酉嘉平歲云暮鞅掌
風塵逢卓午得瞻滿月拜蓮臺信是三生緣足敷連岡松霧重
於煙捲地狂飆猛如虎闔黎小憩避祁寒慧日高懸化春煦入
門膜拜祝殷虔俄頃風停開碧宇長征月竈向窮荒身冒冰霜
悵涼踴敬祈慈佑默扶持安穩郵程集多祐皇華四牡迅還轅
頂禮香花酬佛祖

元旦書懷

重茵高座學跣趺猩色紅氍毹地鋪亦有獠奴晨賀歲幸無駟
僧夜催通銀旛綵勝詩空憶蠟燕絲雞味絕無隨俗從宜安樂
法不妨馬湏當屠蘇

鞅掌皇華四牡駢義娥丙馭逐奔輪烏桓奉使承

天語虎節巡邊倚近臣癭木茶甌香勝酒梅花氍毹煖如茵
支塔五架作梅花形懸弧自是男兒志絕域於今幾度春

穆胡爾噶順寫望

萬頃鎔銀白驚沙似砥平已看春育煦曉鳥弄簧聲
是日天氣晴明見鳥無數

霍爾齊道中

氍毹乘颿風颿春晴雪盡消金沙大地湧青幕塞天遙草茁羊羣
壯車盤馬意騎龍堆崇象教梵閣迴凌霄

溥恩寺

凌霄樓觀鬱盤紆，鬬角鉤牙匠作殊。清淨闍黎殷畢鉢，覺迷正

坐灌醍醐。

溥恩寺喇嘛獻
茶故及之

家製絮絛衾甚煖喜題

漫愁罅隙透尖風，熨貼衾窩煖欲融。卻喜侍兒裝絮被，禦寒今
夕奏奇功。

紀事

平沙浩渺望無垠，市地穹廬遍野垠。漫笑數椽茅屋陋，相公分

俸築殷勤。

筆齊克啟向住關帝廟湘浦相國見而憐
之分俸爲築茅屋三間始有棲止之處

莫敦道中

沙虛草輭趁行輶，雪氣迷漫冷逼裘。絨法卻如黃子久，慣將礬

石點岡頭。

札爾瑪克泰道中

連岡如廩復如墉梯級階升厯萬重原草有心迴北陸雪花如掌拍東風穹廬在野朝朝住沙磧黏雲望望同眞景天然去雕飾少陵出塞詠尤工

夜間大風初八日早風定喜成

午夜驚飈發牛鳴帘底狂糝沙吹硬雨掀幕擲頑礪窟宅蛟龍徙絛鞢鷹隼揚晨興風色定碧落自蒼蒼

哲里木寒甚

萬里龍荒地祁寒厯未曾氣噓髭化白血汗蠶攢冰日色侵晨澹霜華隔歲凝綠坡復登坂知陟幾多層

沙克舒爾鳴道中

拾級登層坂天窺象緯高雀翎東日耀狐羆北風撼靡監循臣

職長趨憫役勞寒威杜康避相約醉蒲萄

西賈

射利憎西賈腰纏涉大荒薄施貪厚取匹布易羣羊

察布奇齊書所見

獵獵狂飈逐馬蹏草痕黃到小岡西欣看番部多殷富徧野封

牛褐色齊

漢書注駱駝背上肉隆高若封土俗呼封牛

嘎岡木

自樹冰霜裏珍毼號嘎岡叢疑水檉簇色較瓦松蒼左紐堅如
柏孤生植比棠稻舍工博物辨識恐難詳

白翎雀

遼邊誰說春難到一串圓珠鳥哢晴箇是有元新樂府白翎沙
雀記歌名

晚至哈連圖寫望

長征萬里歷閒關鎮日馳驅片刻間忽覩風光似中土夕陽山
外有青山

駕竿車行走甚速喜題

二馬並驅攢八蹄長竿橫亙如車輓奚奴驂乘御風比雙輪迅
轉驚沙迷甕廬遙睇一點白百里郵程纔頃刻駕竿車合喚飛
奔名駒汗滴桃花色

噶魯迪杭噶

雪凝螺磴鎖盤旋歷井捫參石棧連俯視牛羊如豆點頓驚身
陟萬峯巔

喜值侍讀學士

寶綬 卽贈

名卿特簡歷要荒邂逅相逢喜欲狂同值鳳池清切地九霄萬

里共翺翔

天山雪霽解征鞍促席文茵夜已闌筆凍墨膠書草草阿連傳

語報平安

謂可愈六弟

同懷弟法良校刊

男崇福謹校重刊

抱冲齋詩集卷二十五

長白 斌良 笠耕

瀚海綏藩集二

十三日曉發噶魯迪懷燕山弟

潑水衾裯冷不勝侵晨稅駕倍凌兢袖中詩草慵誰錄鬢上冰
花凍易凝晴雪關山猶整轡早梅庭院近燒燈子由車騎應還
雒目送南雲雁一繩

山行烏爾圖

側嶺接迴峯鸞跼子同不知山向背忽失路西東澗底寒尤
冽巒頭雪易融蠶叢雲棧路移入塞垣中

十四日晚抵推舉拉感懷

草色濃如染微黃直上坡溪乾頑礫湧山近凍雲多鬢影幾痕

改蟾光一鑑磨踏鐙人似海良夜景如何

十五日夜鄂羅蓋

元夕團圓月何期塞上看偶然逢令節未免憶長安燕市春鐙麗龍沙古雪塞同行偕妙友煮酒共盤桓

夜出氈廬看月感懷

氈廬人靜月三更四野蕭蕭牧馬鳴聒耳那聞簫管沸印心澹對鏡奩清殘雲翳退遙天淨積雪光連大漠橫隨遇自安行樂法壯游亦足快平生

上元夜仍疊前韻

每逢令節倍情關馬上哦詩鬧裏閒一樣團圓明鏡拓春鐙何處照鼇山

鄂羅蓋道中天氣晴煖喜成

山雪全消草似油青
騎權當踏春游裂膚
墮指冰霜地難得輕
寒襲紫裘

札克畢拉道中

摩娑老眼拭麻茶積素蒼茫萬嶺遮
彷彿北臺題壁句光搖銀海眩生花
銀海光搖眼忽明壯游奇絕冠平生
界天積雪無垠白草徑如蛇一線縈

胡吉圖道中

蒼翠四山抱中開
百里場權奇滋駱駝
蕃庶雜牛羊玉帶溪流
繞裙腰草色妨氈廬
當屋宇四畜作耕桑

將抵烏里雅蘇臺高嶺陡峻舍車徒行感而賦此

一峯峭拔高摩雲
冰雪滑澌猶續紛
谿坳下視不見底
凍雲擘

絮時氤氲懸車束馬勢高迥前人腦觸後人踵舍車徒步共蹣跚跬步相看神愈聳登高臨深有訓辭紀岵瞻依永孝思伊胡爲乎冒險阻宣猷古塞皇華馳側身北望神洋洋鷹風雕霧胡蒼茫睥睨黏雲角聲起雄城斗大蟠中央

過沙壩

羣岡腹背連縱橫礧礧風聚如坻京虛堆深積厚盈尺征輶碾處輕無聲轂三十輻帶沙轉低膠雙輪行逾緩車箱人坐穩於牀大地兜羅絛絮輭夙聞大宛出流沙瀚海星源萬里遐彷彿張鷟使西域袖支機石泛星槎

巴噶濟斯寫懷

北征險阻歷間關臘尾驅車春未還一種鄉心無著處凍雲殘雪萬重山

雪痕界嶺遙天白，衰草黏雲塞日黃。
終歲笑奴裹狐貉，不知大地有春陽。

布固道中

結習平生笑未除，壓裝猶贖半車書。
愛陳湘帙緣遮眼，稍減吟情爲惜鬚。
燒雉烹羊宜雪後，射雕盤馬趁晴初。
黃沙百草青天映，攬轡澄觀意自如。

布固道中懷朱白榆

薄雪初晴試鐙後，小桃寒勒未花時。
觚棱朋舊今知否，風帽伶俜獨咏詩。

嘉平猶記賦消寒，擘紙風流室易安。
出塞少陵多擬作，何如踏雪歷烏桓。

草地雪

萬里鎔銀四望收，提封應屬富民侯。
柳條對客誰青眼，山色隨人易白頭。
詩句渾如珠欬唾，乾坤直訝玉雕鏤。
北臺夙豔尖叉韻，埽卻陳言詠更遒。

車從冰上行

一片玻璃鏡面浮，層冰滑澆碾行輈。
平時自憫垂堂戒，鞅掌王程敢自由。

哈蘭噶那道中

灌耳爬沙郭索聲，輪翻晴雪砥如平。
直沿嶺首追山尾，記取郵籤第十程。

那林伯爾齊勒冰溝

二月初七日

峭壁立高摩，天中有蜿蜒。
清冷淵平川，冰合復加雪。
銀杯得聲鏗，然蒙茸灘柳橫。
前路騎馬踏冰入，深樹枯槎掠帽時提。

防寒氣穿裘冷難住蠶叢魚鳧胡巉巖太白曾歌蜀道難我度
那林古石峽平生奇險驚初看

那林石峽

九曲穿珠肖迴環石峽通夕陽峯向背溝水路西東淺草纔平
雪疏楊自戰風溪山愛靈秀惜在塞垣中

二月初九日土爾扈特致祭札薩克郡王三達克多爾
濟禮成恭紀

塞峯疊翠雪初晴衙帳晨開旭日瑩萬里龍荒遙慰唁

九重鳳詔極哀榮名王鞠脰聆

天語蕃部傾心頌

聖明

賜資禮成

恩澤沛奏章飛騎達神京

那林溝書卽目

騎緣石罅走駸駸蟻陣穿珠九曲尋
育煦東風初解凍一泓澄碧浴雙禽

奇峯絕塞湧巔屹貪賞溪山緩控鞍
一片白楊疏樹裏石屏疊翠隔林看

察汗布爾噶蘇道中書懷

料峭輕寒二月天狐裘貂帽著依然
磨牛步步尋陳迹酥乳朝朝種妙緣
野色喜無山隔斷天痕遙與草相連
風光畢竟關中好

科布多人呼張家口爲關中

紅杏村墟酒旆偏

察汗布爾噶蘇喜見屯田

萬峯環處有高原渠溜潨潨洄碧玉
濺恰怪烏桓冰磧裏青青種

麥見春田

出咳勒罕干得達板石峽賦長句二十韻

兌澤從西良輕輶峽底盤兩巖森鵠立九萬想鵬搏
晦驚初入縈紆覓少端雲衣披靜谷絮帽戴層巒曲
儷穿珠蟻渾如處穴獲行妨雙畫轂封藉一泥丸嵐
氣隨風漾苔痕繡壑乾雪堅無破塊泉凍息奔湍
縹緲三神矗崢嶸五老看崖高遲見日澗遼易生
寒峻或升階級低同落并幹蠶叢險堪匹鳥道陟
初殘谿境重游熟郵程返轡歡卽教峯直上休被
嶺橫攔世路巖如此文心肖恐難寄懷攜茗具貪
賞控吟鞍詎意經遼塞居然得大觀冷徑曾躡屨
幽瀨記投竿舊迹行堪憶新詩喜待刊蘇髯歌
出峽逸興海天寬

濟雨噶瑯圖道中

蒼蒼碧落圖四望浩無邊
山色翠貼地草痕黃界天
馱牛紛似豆牧馬小於拳
攬轡神俱王應歌勅勒篇

哈拉噶那道中望杜爾根諾爾

一片琉璃合圓明大鏡激雪堅無破塊冰結少漂凌
情景往來異詩篇前後增山川好模範朔塞幾人登

濟爾噶瑯圖帳中入夜甚寒

衾鐵涼生潑水如霜凝毳幕雪層鋪杏花開際餘寒嫩猶著
貂裘傍地鑪

差旋喜成兼送德總戎還京

元冥奉使向龍荒忽漫還轅草正芳老矣白頭羞積雪
歸與青眼認垂楊頻經險阻名心澹久歷冰霜冷趣長
京雒故人如問訊爲言四牡載周行

巴噶諾爾沙岡

雪皴遠嶺調鉛粉風縐驚沙疊浪紋鎮日馳驅不遑食人穿空
翠嚙寒雲

驅車沙壩過艱危數此程雙輪肖敲器斜倚金層行

杜爾根諾爾感興

沙軟鎔銀遠見汀轍痕前日記曾經雪消豐草齊含白雲滂高
峯半露青有鳥以春歌宛轉無花何處惜飄零入關陡頓東風
麗萬樹紅霞影翠屏

巴噶諾爾道中

雪海冰天程萬里誰將旅況寄長安貂裘欲脫還惆悵無那龍
荒特地寒

二月廿二日車馬由布固諾爾冰上行走

一片琉璃冷未融
雙輪碾處鼓聲隆
隆世藏沙界微塵裏
身在圓光大鏡中
澤腹猶疑狐竊聽
滹沱想像騎交攻
雪峯冰海經行徧
星使浮槎漫足雄

杜爾庫柱途中春日感懷

育煦輕颺拂錦韉
舉帷風物喜暄妍
四圍芳草鳴駝外
一髮青山落雁邊
古塞方春閃陽燄
穹廬向夕起炊煙
鞅塵久負瀟裙約
柳眼花鬢別緒牽

巴噶濟斯曉發

笑看朝旭挂銅鉦
氍幄蒙茸結束行
到眼輪蹄看爛熟
沅腸冰雪氣猶清
有心原草知時序
如畫寒山管送迎
三事思量稍慰藉
晝長天暖趁歸程

巴噶濟斯道中有懷秋潭相國

文孚

贊翊功成勇退身藝龍物望鶴精神敢憑禽向論交誼不道劉
盧屬世親妙製刀圭諸品物手疏泉石亦經綸柳稊春晚鶯鳴
候可憶烏桓萬里人

淡交如水味偏長調護殷勤感勝常代製珍裘驅栗烈特裁氈
笠禦風霜綬藩典重傾心示入版圖新聚米詳圖爾扈特乾隆
三十六年始投
誠內多感蠻牋珠玉贈鞅塵久滯報佳章秋潭相國贈有詩
出塞思恩未和

伊肯濟斯寫望

淡沲和風鳥語關車帷特教獠奴攀烏桓奇景君須記瑇瑁天
圍五色山伊肯濟斯有紅石黃石
黑石各山共成五色

胡拉克烏蘭道中漫興用東坡清虛堂韻

黏天草色圍驚沙穹廬遠闊疑排衙塞垣春遲節物冷滕六翦
水飄空花我逐蒙番居鮮定水草豐處頻移家詰朝稅駕聽班

馬向夕駐轡隨昏鴉冰天雪窖信荒寂範模惜少詞滂葩騷人
咳唾盡冰雪塞外寒冬無水皆融冰雪用之鐵鑊羊酪煎官茶籌邊區畫馬上
治長征萬里勞鞭撻貂裘已敝面黧黑白髮何暇勤梳爬羶漿
羊乳慰飢渴丈夫行役殊堪嗟入關螭螭轉和煦仁看桃萼烘
晴霞

伯爾霍帳中食羊感成

大地春回草褪黃白翎雙雀嚙圓吭綏邊祇効馳驅力也學中
書食萬羊

羊腸河套帶縈紆侵曉驅車日又哺草色四圍山一角不知何
處是吾廬

土爾扈特

烏梁西海畔風俗信如何入寺披黃少依崖插帳多喇嘛多在
家並應官

役入寺焚枯柴熏獺穴强弩射貂窠
氍幄休輕徙羌夷未渡河
修者甚少
哈薩克回眾時向烏梁海劫掠冬未渡河可無移帳矣

將至烏里雅蘇臺卽目

松篁排山柵巖坳結市樓
塞山無定色野水任情流
灌耳泉聲聒迎眸柳色柔
數椽安穩住信宿好淹留

保將軍常參贊至寺夜談詩以誌喜

蕭寺慣投足前身豈是僧
行遲松嶂月談翦雪窗燈
燕市夢遙隔烏桓傳偶乘
側身翔萬里翻羨塞天鷹

大雪過胡吉爾土達板作

客臘驅車未逢雪草白沙黃
塞天接綏藩旋轡值春陽
忽漫冰花飄六出環峯縣
互抱秋圓萬頃銀鎔平
楚潔雲蒸霧合杳冥間
極目蒼茫天地一壯游
準擬繪新圖朱笠霜髯遙岸幘

吉爾岡土杭噯口占

幽峪壺盧形肖口微腹大龐然匱市四圍翠嶂砥平萬頃瓊田
阿魯吉爾岡土曉發

侵曉蒙茸整轡銜陰森幽術絮雲緘飽霜松枯風煙老皴雪巖
纖粉墨攬凍極堅冰訝墳湧境危陡壁信天鑊山川奇險吾何
悲喜拓吟懷慰渴饞

額布爾吉拉岡土山景甚佳喜題

吐岫春雲姿縹緲連冰積雪勢迷漫纔摹董巨荆關續日日山
靈送畫看

晚至額布爾吉拉岡土看雲

夕陽倒射萬峯西得得鞭絲逐馬蹏雲氣迷漫巒隱見須臾變
化沒端倪

庫布爾車根寫望

凍泉儼若珠旒挂寒溜渾如匹練橫誰道遼邊少風景半諧畫
理愜詩情

烏蘭奔巴圖喜晴

積雪全消客快晴殘雲如絮嶺猶橫行來且喜氈廬近已有番
兒馬首迎

三月上巳日鄂羅蓋道中書懷

虎節綏藩萬里臣經旬鞅掌困勞薪祈年未侍次辛禮乘傳剛
逢上巳辰京國鶯花三月雨塞垣鴻雪九邊塵到家恰值清和
屆猶及豐臺賞殿春

札克畢拉道中

抹黛峯環秀色蒼須彌大地宛中央乾坤玉映無垠浹雪草淒

迷白映黃

烏塔道中

遶廓無垠際何來長短亭雪迷原草白雲豁塞山青擁傳過人
日浮槎想客星春寒酒無力酣飲亦常醒

初二日見新月有懷

來時圓滿愛冰蟾眉樣旋看月子纖旬日團圓便佳會嫦娥傳
語漫愁添

過鄂羅蓋烏拉微雪偶題

蒼茫雲海鳥間鋪亂石排疑八陣圖來往都逢陳玉戲肯將眞
面示人無

推畢拉道中

瑤瑁雲天望轉幽峭寒春尙著貂裘塞山笑與余相似雪虐風

饗易白頭

行牀甚便利喜題

矮足模稜角胡牀製作宜慣依氈帳設漫向綠陰移雪夜還鄉
夢風鑪瀟茗詩藤輪同樸茂

杜工部小睡憑藤輪

金玉飾笑爲

烏爾圖道中

歷井捫參得大觀平岡頂上矗層巒人行空翠穿雲溼怪底重
裘著尙寒

昂首雙峯天際插到來絕頂亦平平青雲得路人爭豔寄語腰
金老上卿

噶魯迪氈帳

解轡山陰住春光一倍加我來豈生客帳徙訝移家拾糞頻添
火敲冰細煮茶塞山寒意峭嫩草茁金芽

烏呢格道中

湏洞風煙四面開
青山迴睇隔崇隈
春生朔漠蓬蓬遠
人逐東風得得來
芳草塞垣馳玉勒
杏花村店憶香醅
星軺迅發遄行利
一路康莊到上臺

大風晚至翁錦

侵晨稅駕鎮驅馳
啜茗氈廬憩片時
沙草迷漫渾不辨
衝風車騎到偏遲

將至察布奇齊

古塞離離草煙收
曉色亭春風無限好
萬里盡回青

哈畢拉噶道中清明感懷

絕塞逢寒食
冰嘶挂柳條
并無花照眼
尙有雪齊腰
雋臞調文雉
征裘敝黑貂
松楸渺天末
尊酒幾曾澆

哈畢爾噶清明感懷

清明不見柳絲柔
白草黏天匝地周
萬里烏私嗟未遂
鞅塵那得拜松楸

札爾嗎克泰春寒

春仲寒猶峭
蒙茸笑裏裘
溫鑪頻袖手
風帽尙遮頭
雪糝草微白
溪寒凝不流
燕都蕭寺憶
蘋玉暖煙稠

二月間京都摩訶庵杏花最盛

哈畢爾噶遠眺

紇干凍雀笑如何
倚馬情豪勅勒歌
平楚煙痕無際白
塞山圍住夕陽多

博羅鄂包感懷

一笠天垂碧
四圍草痕沙
磧望依稀嘯
吭白雀盤空舞
捷足黃羊貼地飛
壓帽塵埃羞
鬢短湔裙芳
約與心違蒙茸已厭征裘

重稍喜春光共客歸

珠布爾寫望

信以天爲幕無垠朔漠寬原空羣馬牧雲埽一鵬盤重到路多
熟言歸客倍歡氈房居已慣羊羴亦加餐

三月十五日穆胡爾囑順感懷

春正猶記設辛盤忽漫鶯花滿目看天氣融和人意健馬頭涼
月愛團樂

布隆采耶律神榆樹下得家書因題

古幹神榆曙色開下車長揖獨徘徊驚看飛騎奔如電一紙平
安萬里來

烏蘭胡圖克蒙古向沙磧拾得古箭鏃此地想係古戰
場感成

沙磧黏雲蔓草荒也先肆擾又花當蕃兒牧馬收遺鏃知是前朝古戰場

布魯圖臺寫望

沙磧黏天浩渺垠氈廬聚處儼山村車書同軌真堪羨萬里平蕪一轍痕

沙拉哈達拾瀚海石偶題

浪齧沙穿歲月深拾來靈石愛崎嶇玉玲瓏壓歸裝重要使清名過鬱林

蒙

恩擢授太僕寺正卿恭紀

詔書飛騎出瑤京特荷

綸音擢上卿遼塞綏藩臣職忝升階高擢

主恩榮兩番司牧聲華藉一紀周星鬢雪明

斌良於道光二年
曾任僕少卿自六

年改官秋曹今復蒙升僕正兩番司牧自
離太僕司署已十二年較前鬚鬢蒼矣

迅發星軺期早至觀

光颺拜竭葵誠

初住台上官房喜甚

萬里歸來恰及春打頭氈帳歎難伸
數椽喜得巢痕穩晴日窗
油淨少塵

明鑿道中水邊見鳬鴈

野水滌洄似帶圍裙腰草色接依稀
鞞紋綠縐春波活驚起一
雙鳬鴈飛

札薩瑪勒換車軸入張家口喜成

萬里烏桓歷浹旬帳前易軸換雙輪
羣山煙豁拖濃黛野水冰
消漾溼銀出塞詩篇增壯麗入關僕御亦精神承

恩伯回重司牧天育驊駟藻鑒真

陀羅廟小憩

西崦幽處古精藍萬里輪蹄此駐驂細溜潌洄環碧玉羣峯峭
拔矗瑤簪遼村報賽排花爨山市晴開枕翠嵐記得來時逢栗
烈一炊鑪火作深談

道旁見耕者喜成

烏桓萬里速歸程望望雄關紫氣迎已有中華好風物塞山影
裏見人耕

沙城道中

侵晨稅駕峭寒增潑黛濃嵐溼翠蒸千頃麥鋪搖淺浪一規山
近露圭棱騾綱漫野馱茶賈魚板輕敲募米僧忽漫柳煙烘晝
暖貂裘衝雪記來曾

土木堡

夕照狼山堡虛沙厚疊層蹇驢行蹠蹠髡柳漸翦誓懷古神空
往題詩客尙能郵程欣早到公廨未張燈

雞鳴驛和壁間韻

綏藩征萬里壯志以詩鳴鼙背驚初躡虹梁築已成杏村寒乍
透茅店座常盈詩思如春草相將處處生

龍王廟僧淨因將余書額刻懸殿中瞻禮畢卽題其壁
萬里綏藩歷塞垣停驂灑翰過松關誰將春蚓秋蛇迹懸向蘭
桺藻稅間澤被龍堆功行溥佑敷雞塞護持還山僧珍重紗籠
碧鴻爪重尋舊墨斑

保安堡晚至懷來

山店蒙茸復解裝欣看喜色映眉黃溪流詰曲環官柳樓閣參

差壓女牆已見館人相慰勞頗聞僕御話蒼涼花鬚桃臉春如
繪畢竟風光近

帝鄉

懷來公廨夜雨

西崦路近塞雲多
淡沱東風釀太和
浙瀝雨聲鄉夢掠
杏花消息近如何

雨後抵榆林堡

沙淨無泥似砥平
鞭絲帽影趁歸程
羊山積翠含煙重
瀉水拖藍徹底清
小艇滄波無客釣
一犁繡陌見農耕
蟬螭古塞關門
宿應聽山泉溜雨聲

岔道口作

勝朝宣大重秋防
亭障蟬聯接大荒
爭及清時疆圉靖
春雲

吹上老邊牆

石佛寺

拂檐高柳綠垂絲掩映霞烘頰玉姿石佛龕中應冷笑韶光九十付驅馳

過居庸關題

兩度巉巖夏及秋冬來春返者番游馬騎款段步猶穩鳥語鉤
轉山更幽桃勒輕寒紅尙斂蓮敷夕照翠交流鞅塵迫我窓窓
過何暇題詩峭壁留

官溝道中書卽目

小借篴輿穩頑疆野水沈奇峯開畫本飛瀑學琴音城作溝中
斷關城跨山爲人貪馬上吟霞烘桃塢曉空翠溼衣襟

同懷弟法良校刊 男崇福謹校重刊